

Pravosudna komisija Brčko distrikta BiH, na osnovu člana 14. stav (1) tačka n) Zakona o Pravosudnoj komisiji Brčko distrikta BiH („Službeni glasnik Brčko distrikta BiH“, br.: 19/07, 20/07 i 02/08) i odredbe člana 116. Zakona o Sudskoj policiji Brčko distrikta BiH („Službeni glasnik Brčko distrikta BiH“, broj: 03/21) , na ____ redovnoj sjednici održanoj dana ____ godine donosi sljedeći

PRAVILNIK O POHVALAMA, PRIZNANJIMA I NAGRADAMA U SUDSKOJ POLICIJI BRČKO DISTRIKTA BIH

DIO PRVI – OPŠTE ODREDBE

Član 1 (Predmet Pravilnika)

Ovim Pravilnikom utvrđuju se nagrade i priznanja službenika Sudske policije Brčko distrikta BiH (u daljnjem tekstu: Sudska policija) kao i kriteriji i postupak za njihovo dodjeljivanje.

Član 2 (Dodjeljivanje pohvala, priznanja i nagrada)

Za naročito zalaganje i postignute uspjehe u obavljanju poslova i izvršavanju zadataka službenicima Sudske policije dodjeljuju se pohvale, priznanja i nagrade.

DIO DRUGI – POHVALE, PRIZNANJA I NAGRADE

Član 3 (Pohvala)

(1) Pohvala iz člana 2. ovog Pravilnika može se dodijeliti službeniku Sudske policije za naročito zalaganje i postignute uspjehe pri izvršavanju određenih poslova i zadataka.

(2) Službenik Sudske policije može dobiti pohvalu ako je posljednju godinu ocijenjen ocjenom rada – 4 (uspješan) ili višom ocjenom i ako ispunjava najmanje dva od sljedećih kriterijuma:

- a) poseban doprinos u efikasnom izvršavanju poslova;
- b) permanentno iskazivanje stručnosti, samoicijativnost i kreativnost u izvršavanju poslova;
- c) doprinos u izvršavanju poslova radnih kolega;

- d) doprinos u radu radnih grupa, komisija i drugih radnih tijela i
- e) blagovremeno i efikasno organizovanje i izvršavanje poslova.

Član 4 (Priznanja)

(1) Priznanje iz člana 2. ovog Pravilnika službeniku Sudske policije može se dodijeliti službeniku Sudske policije za naročito zalaganje i postignute uspjehe pri izvršavanju određenih poslova i zadataka.

(2) Službenik Sudske policije može dobiti priznanje ako je posljednje dvije godine ocijenjen ocjenom rada – 4 (uspješan) ili višom ocjenom i ako ispunjava najmanje dva od sljedećih kriterijuma:

- a) poseban doprinos u efikasnom izvršavanju poslova;
- b) permanentno iskazivanje stručnosti, samoicijativnost i kreativnost u izvršavanju poslova;
- c) doprinos u izvršavanju poslova radnih kolega;
- d) doprinos u radu radnih grupa, komisija i drugih radnih tijela i
- e) blagovremeno i efikasno organizovanje i izvršavanje poslova.

Član 5 (Nagrada)

(1) Nagrada iz člana 2. ovog Pravilnika može se dodijeliti službeniku Sudske policije koji je posljednje dvije uzastopne godine ocijenjen ocjenom rada – 5 (naročito uspješan), pod uslovom da su za to obezbijedena budžetska sredstva u budžetu Pravosudne komisije Brčko distrikta BiH.

(2) Nagrada iz stava (1) ovog člana može iznositi najviše 10% godišnje osnovne plate službenika Sudske policije koji se nagrađuje.

Član 6 (Odlučivanje)

(1) Pohvale, priznanja i nagrade propisane ovim Pravilnikom dodjeljuje predsjednik Pravosudne komisije rješenjem na osnovu pismenog i obrazloženog prijedloga komandira Sudske policije.

Član 7 (Opis pohvale i priznanja)

Oblik, sadržaj i izgled pohvala i priznanja određuje predsjednik Pravosudne komisije.

Član 8
(Uručenje pohvala, priznanja i nagrada)

(1) Rješenje o dodjeli nagrada uručuje se službeniku Sudske policije, a ulaže se u personalni dosije službenika Sudske policije.

(2) Dodjeljene pohvale i priznanja se uručuju na organizovanoj svečanosti i ulažu se u personalni dosije službenika Sudske policije.

Član 9
(Stupanje na snagu)

Ovaj Pravilnik stupa na snagu danom donošenja i objavit će se u "Službenom glasniku Brčko distrikta BiH".

PREDSJEDNIK
PRAVOSUDNE KOMISIJE

Safet Pizović

Broj: SuPK-03-____/21

Datum: _____.